

praesumptionem, siquidem pro nobis pugnat Scriptura S., quae est *βεβαιότερος ὁ λόγος* 2. Petr. I, 19.

§. IX. A Fanaticismi suspicione hac de causa non liberatur BRENDELIUS, Antistes Thurnaviensis, in Postillis nuperrime editis sub rubro *de Incrementis veri Christianismi*, quando p. 1106. seq. profert: *Es taugt nichts die Religions-Singularitaet, wenn man sich in seiner Religion etwas besonders oder mehrers einbildet, als andere Leute, und dencket, man sey desßwegen besser, weil man bessere Lehren höret oder weiß, pergit etiam, die Religions-Singularitaeten machen lauter Sectirerey in der Welt, und lauter Trennungen, und sind Früchte des Hochmutbs.* Quis non videt, ab hoc viro, Indifferentismi praejudiciis miserrime occoecato, Lutheri Reformationem fugillari, omne discrimen inter veram & falsam religionem impugnari, imo haereticos evitandi studium, velut carnis opus, ex superbia oriundum, traduci? Huic autem male sanae doctrinae opponimus divinum Pauli mandatum 2. Tim. III, 14. *persistito in his, quae didicisti, & quae tibi concredita sunt, sciens, a quo didiceris* Tit. III, 10. *Haereticum hominem post unam & alteram admonitionem fuge*, imo ipsius Joannis autoritatem, qui tamen alias pacis & charitatis erat studiosissimus 1. Ep. IV, 1. & 2. Ep. 10. 11. Haec & alia divina oracula Reformatores moverunt & excitarunt, ut, cum Papatu suos errores & abusus in doctrina ex literis divinis demonstratos non agnoscere, recteque sentientes ne quidem ferre vellet, manifesta necessitate coacti, ab eo, non vero ab Ecclesia Catholica, per segregationem sui, & declarationem editae fidei ac confessionis sese discernerent. Ut adeo nugae sint, quas vendit *der in Göttlichen entbrannte Christliche Elias*, larvatus homo, p. 21. ubi ironice Sycophantarum more loquitur: *Man mußte nothwendig eine neue und gewisse Religions-Formul machen, und da wurde die Augspurgische Confes-*

Confes-